



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ioannis Ioviani Pontani amorum libri II.

Pontano, Giovanni Gioviano

Venetiis, 1518

De Orpheo nauigante, & post ad inferos pro uxore descendente.

urn:nbn:de:hbz:466:1-13534

97
IOANNIS IOVIANI PONTA-
NI VERSVS LYRICI.

DE ORPHEO NAVIGANTE, ET
Post ad inferos pro uxore descendente.

Am maris vasti penetrabat un-
das
Pelion linquens Pegasæa pinus,
Iamq; canebant agitata longis
Aequora tonsis,
Cū pius Phœbi citharæ sacerdos
Mouit, insigni cecinitq; plectro,
Et parem nervis, parilemq; uoci,
Commodat ictum.
Illicet Nymphæ uitreis ab antris
Efferunt uadum caput, ac per undas
Implicant, certo choreas secutæ
Cum pede cantum.
Illicet Triton resonante ab ore
Bucinam intendit, scopuloq; ab alto
Assonat uati. pecus omne summa
Ludit in unda.
Ipse stans celsa modulansq; puppi
Purpura insigni, & uenerandus ostro
Ad decus famæ ciet, atq; honorum, &
Præmia laudum.
Fortibus summi meritum triumphî,
Fortibus primæ meritum coronæ,
Fortibus plausum populi, patrumq;

VERSUS

Publica dona,

His & æternum decus apparari
Morte prælustri, his titulos sepulcri,
Signa q̄, & diuis solitos honores
Templa q̄, & aras.

Hic & hēroas, iuuenum q̄; primos
Cernerēs pontum ualidis lacertis
Verrere, atq; æstus pelagi, & minaces
Vincere fluctus.

Tum sacer uates grauiore plectro.
Suscitans, hoc hoc agite o' iuuentus,
Hoc deūm proles agite, & uolenti in=
cumbite dextræ.

Vos labor primos hominum, dijs uos
Reddet æquales, labor & deorum
Cœtui adiungens sola salsa ponti
Subdet & auras.

Hoc uirūm uirtus, studium q̄; pulchrū
Poscit, hoc illud decus, hoc & illi
Qui Ioui uos conciliant honores,
Fama q̄; poscunt.

Talibus uates. Ibi cepit ingens
Ardor heroas. nouus urit ignis
Pectora. accendit noua flamma a uentis
Et noua uirtus.

Thraciæ hæc olim citharæ ad labores
Ac decus, uis enituit cœnendo,
Quæ quoq; & uati fuerit querenti
Ditis ad antrum.

Hoc refer mecum o' Erato, per umbras

Sola nanq; illum comitata, sola
 Illius luctum, & lacrimas leuabas
 Pectine mulcens.

Mitis o mundi dea nigricantes
 Supplices ad te lacrimas profundens
 Assum, o' et uocem, et lacrimas precantis
 Accipe uatis.

Cui et inferni patuere postes
 Sponte reclusis foribus canenti,
 Cessit intranti canis, et remissos
 Clusit hiatus.

Coniugis manes repeto, relictæ
 Luce sub terram in tenebras profectus,
 Coniuge et pro te, tenebris relictis
 Aeth'ra coniux,

Et diem, et coeli iubar, et uagantes
 Syderum, ac solis radios petiuit,
 Teq; et incepti pretium, & laboris
 Præmia portat.

Fas tibi, iet uatis pietatis ergo
 Reddere assueti pretium laboris.
 Fas mihi optatum pretium referre, et
 Præmia cantus.

Te deam coeli canimus, te et imi
 Sceptra gestantem solij, te et udi,
 Fluctuum campos moderantem, et alma
 Hubera terræ.

Ipsè ego et diuim, atq; hominum sacerdos
 Hoc peto, et iustum peto pro recepta
 Coniuge, et syluas moueam, et profundi

Marmora ponti.
 Sacraq; & ritus statuens, dicabo
 Tempia, & æternum metuentur aræ
 Supplicum uotis uenerandæ, & aurea
 Turis acerra.
 Interim manes stupuere cantu.
 Distulit pœnam rota. constiterunt
 Saxa. non anques cruciant, nec hydræ,
 Vulturij ue.
 Hic & umbrarum chorus, & silentum
 Vulgus, oranti affremuere, & unâ
 Plaudit heroum genus, & canoro
 Consonat ore.
 Diua tum triplex modulante cycno,
 Plebis & plausu, memor & rapinæ,
 Et tori, & lucis memor, in fauorem
 Ora resoluit.
 Duc age o' uates sociam, & laborum
 Quem petis finem cape. fas sit illam
 Regredi tecum, modo ne in sequentem
 Lumina flectas.
 Rursus umbrarum affremuere turbæ,
 Rursus & uates citharam resumit
 Ipse præcedens. sequitur canentem
 Aurea coniux.
 Vulgus, atq; unâ attonitus silentum,
 Monstraq; & manes trepidi gigantum.
 Quos triceps custos procul allatrata
 Arcet ab amne.
 Heu, quod obstantis pelagi fragores,

Quodq; discordis erebi tumultus,
 Quod potest dirarum animos sororum
 Flectere carmen.

Non potest tristis oculos puellæ,
 Pectus aut trux uirginis, aut superbæ
 Fœmnæ immiteis animos, feramq;
 Vertere mentem.

DE AMORIS DOMINATV.

e T sitim sedat liquor, & relaxant
 Corda languentum latices Thyonei.

Otium fessos leuat. ast amantum
 Pectora carmen.

Tu meos seda o' erato' dolores.
 Fas sit & tecum residere, fas fit
 Carmen audire insolitum, & te ab alta
 Rûpe canentem.

Imperat cœlo pater ipse diuûm.
 Imperant dij, semideiq; terris.
 Imperat ponto Ennosigæus. imis
 Orcus Auernis.

At polo, & terris, erebo, mariq;
 Imperatq; & dis amor. huius orbis
 Paret edicto, superiq; & omnis
 Grex animantum.

Hoc sine & cœli status, & deorum
 Pax ruet. terra hoc sine, pontus, aer,
 Et laborabunt odio, & suapte
 Mole dehiscant.

Vrbium custos amor, omniumq;